



Služba za komunalne i stambene poslove i saobraćaj

Na osnovu člana 10. Zakona o privremenom korištenju javnih površina ("Službene novine Kantona Sarajevo", br. 20/04, 26/12, 32/12-ispravka i 24/15), člana 7. Odluke o privremenom korištenju javnih površina na području Općine Novo Sarajevo ("Službene novine Kantona Sarajevo", broj: 43/13 i 15/16, 15/19, 16/21, 23/21, 7/22 i 27/25), Plana korištenja javnih površina na području općine Novo Sarajevo („Službene novine Kantona Sarajevo“, broj: 15/19 i 15/22), Općinska načelnica Općine Novo Sarajevo, o b j a v l j u j e:

**JAVNI POZIV
za dodjelu lokacija za postavljanje štandova u Vilsonovom šetalištu**

I - PREDMET JAVNOG POZIVA

Predmet ovog Javnog poziva je dodjela lokacija za postavljanje 4 (četiri) mobilna štanda u Vilsonovom šetalištu u skladu sa Elaboratom „Uređenje i mogućnosti korištenja ulice Vilsonovo šetalište“ („Službene novine Kantona Sarajevo“, broj 29/14 i 49/15) (u daljem tekstu „Elaborat“).

Lokacije za postavljanje štandova u Vilsonovom šetalištu su :

Adresa	Namjena	Djelatnost
Ulica Vilsonovo šetalište (lokacija 5)	Prodaja prehrambeno – pečenjarskih proizvoda	Trgovina
Ulica Vilsonovo šetalište (lokacija 6)	Prodajno - izložbeni štand	Trgovina
Ulica Vilsonovo šetalište (lokacija 7)	Prodajno - izložbeni štand	Trgovina
Ulica Vilsonovo šetalište (lokacija 8)	Prodaja prehrambeno – pečenjarskih proizvoda	Trgovina

Grafički prikaz lokacija za postavljanje štandova i tehnički uslovi su sastavni dio ovog poziva i bit će objavljen na web stranici i na oglasnoj ploči Općine.

Definicija vezana za namjenu:

- 1. Preciziranje namjene prodajnog mjesta – prodaja prehrambenih i pečenjarskih proizvoda:**
Pod prehrambenim proizvodima, u smislu ovog Javnog poziva, podrazumijevaju se fabrički zapakovani i deklarirani proizvodi poput energetske pića, vode, sokova, grickalica, slatkiša i drugih sličnih proizvoda, koji se ne pripremaju niti obrađuju na licu mjesta.
Pod pečenjarskim proizvodima, u smislu ovog Javnog poziva, podrazumijevaju se proizvodi poput šećerne vune, kokica, kukuruza i kestena.
Priprema hrane, termička obrada ili bilo koji drugi vid ugostiteljske djelatnosti na prodajnom mjestu nije dozvoljen.
- 2. Preciziranje namjene – izložbeno-prodajni štand**
Pod izložbeno-prodajnim štandom, u smislu ovog Javnog poziva, podrazumijeva se prodaja proizvoda kao što su knjige, rukotvorine, umjetničke slike, suveniri, antikviteti, baloni, igračke, kao i drugi slični proizvodi, u skladu sa javnim pozivom i Elaboratom, čime se jasno definiše namjena prodajnog mjesta.

Definicija vezano za djelatnost:

Pravna lica koja po provedenom Javnom pozivu ostvare pravo na korištenje javne površine mogu obavljati djelatnost isključivo u skladu sa namjenom i uslovima propisanim Javnim pozivom i Elaboratom.

Pravno lice mora imati registrovanu odgovarajuću djelatnost, odnosno šifru djelatnosti za obavljanje dozvoljene djelatnosti koja je predmet Javnog poziva, te ispunjavati sve druge uslove propisane Javnim pozivom i važećim propisima.

Fizička lica koja po provedenom Javnom pozivu zadovolje uslove za dobijanje jedne od četiri lokacije za korištenje javne površine dužna su, u roku od 30 dana od dana pravosnažnosti rješenja, registrovati djelatnost koju će obavljati na dodijeljenoj javnoj površini. Registrovana djelatnost mora predstavljati osnovnu djelatnost fizičkog lica i biti u skladu sa namjenom prodajnog mjesta utvrđenom javnim pozivom i Elaboratom, kao i sa važećim propisima.

II PRAVO UČEŠĆA

Pravo učešća u ovom Javnom pozivu imaju pravna i fizička lica koja ispunjavaju sljedeće uslove:

- Pravno lice da je upisano u sudski registar prije prijave na Javni poziv;
- Fizička lica da imaju odobrenje za obavljanje djelatnosti prije prijave na Javni poziv ili dokaz da su nezaposleni;

Zainteresovana lica mogu se prijaviti isključivo za jednu od navedenih lokacija.

III – KRITERIJ ZA DODJELU LOKACIJA

Kriteriji za vrednovanje ponuda za dodjelu lokacija su:

- visina ponude: 1 bod za svakih 10 KM iznad početnog iznosa,
- period proveden na birou za zapošljavanje: 1 bod za svaku punu godinu na evidenciji Zavoda za zapošljavanje od zadnjeg radnog angažmana,
- Idejno rješenje: 1 do 5 bodova na osnovu ocjene Komisije.

Idejno rješenje dostavljeno uz prijavu predstavlja sastavni dio prijave i buduće se od strane Komisije. Komisija vrši bodovanje idejnog projekta dodjeljivanjem bodova u rasponu od 1 do 5, pri čemu se cijeni kvalitet, funkcionalnost, usklađenost sa namjenom prostora, kao i doprinos unapređenju sadržaja i izgleda poslovnog prostora.

Komisija zadržava pravo da prijavu odbaci kao nepotpunu ili neprihvatljivu ukoliko dostavljeno idejno rješenje ne zadovoljava kriterije propisane Elaboratom.

Ukoliko se po okončanju postupka, pregleda prijava i bodovanja pristiglih prijave utvrdi da su dvije ili više ponuda ostvarile isti broj bodova, takvi ponuđači će biti pozvani na usmenu licitaciju pred Komisijom.

Usmena licitacija će se provesti u roku koji odredi Komisija, o čemu će ponuđači biti blagovremeno obaviješteni, a isti su obavezni dostaviti nove, uvećane ponude. U slučaju nedolaska ponuđača na zakazanu licitaciju, smatrat će se da je isti odustao od dalje procedure.

IV – OBAVEZNA DOKUMENTACIJA

Prijava na Javni poziv podnosi se u pisanoj formi na obrascu NS-OB-358 i mora sadržavati svu dokumentaciju propisanu ovim Javnim pozivom.

Nepotpune, neuredne i neblagovremene prijave neće se razmatrati.

Uz prijavu na Javni poziv, aplikanti obavezno dostavljaju sljedeću dokumentaciju:

- Idejno rješenje – izgled štanda sa tačno naznačenom lokacijom, namjenom i dimenzijama štanda,
- Kopija uplatnice na ime ozbiljnosti ponude u iznos od 600 KM (šeststotina konvertibilnih maraka) na transakcijski žiro račun broj: 1411965320011191 otvoren kod Bosna Bank International d.d.,
- Ovjerena izjava kojom se daje saglasnost da se uplaćeni iznos na ime ozbiljnosti ponude zadrži ako aplikant nakon dodijeljene lokacije samovoljno odustane;
- Ovjerena izjavu da će po prijemu obavijesti o izboru u roku od 5 (pet) dana izvršiti uplatu 6 (šest) mjesečnih zakupnina po ponuđenoj cijeni mjesečnog zakupa i da je saglasan da ako ne izvrši uplatu da se smatra da je odustao od dodjele,

- Izjava o ponuđenoj cijeni zakupa lokacije za postavljanje štanda koja ne može biti manja od 100 KM/mjesec za veliki štand, odnosno 80 KM/mjesec za mali štand.

Pravna lica:

Pravna lica uz prijavu obavezno dostavljaju:

- Aktuelni izvod iz sudskog registra, iz kojeg je vidljivo da je pravno lice upisano u sudski registar prije prijave na Javni poziv;
- Uvjerenje o poreskoj registraciji (identifikacioni broj),
- Potvrda poslovne banke da račun nije blokiran iz koje se vidi broj transakcijskog računa,

Fizička lica:

Fizička lica koja imaju registrovanu djelatnost uz prijavu obavezno dostavljaju:

- Odobrenje nadležne općinske službe za obavljanje djelatnosti;

Fizička lica koja nemaju odobrenje za obavljanje djelatnosti prije prijave na Javni poziv:

- Uvjerenje/listing PIO da nije aktivni osiguranik ili potvrda od strane Zavoda za zapošljavanje o periodu zadnjeg zapošljavanja,
- Ovjerenu izjavu da će, u slučaju dodjele lokacije, registrovati djelatnost u roku od 30 dana od dana pravosnažnosti rješenja, u skladu sa uslovima propisanim Javnim pozivom i Elaboratom.

Dokumentacija se dostavlja u originalu ili ovjerenoj kopiji čija ovjera ne može biti starija od 6 mjeseci od dana objave ovog Javnog poziva.

Pravna lica izjave ovjeravaju svojim potpisom i pečatom a fizička lica koja nemaju odobrenje za obavljanje djelatnosti na protokolu Općine na propisanom obrascu izjave NS-OB-229.

Dostavljena dokumentacija neće se vraćati podnosiocima prijave po ovom Javnom pozivu.

V - ROK ZA PODNOŠENJE PRIJAVE

Ovaj Javni poziv se objavljuje u jednim dnevnim novinama i na web stranici Općine Novo Sarajevo kao i na oglasnoj ploči Općine Novo Sarajevo i ostaje objavljen 15 (petnaest) dana od dana posljednje objave.

Rok za podnošenje prijave je petnaest (15) dana od dana posljednje objave Javnog poziva.

VI - NAČIN PODNOŠENJE PRIJAVE

Originalni obrazac za prijavu i dostavljanje aplikacija za dodjelu lokacija za postavljanje štandova u Ulici Vilsonovo šetalište dostupan je u Općini Novo Sarajevo, ulica Zmaja od Bosne br.55 (šalter-sala) ili na web stranici Općine: www.novosarajevo.ba.

Pismene prijave u zapečaćenoj koverti se podnose poštom preporučeno ili putem službenog protokola Općine Novo Sarajevo na adresu:

Općine Novo Sarajevo

Ulica Zmaja od Bosne broj 55, sa naznakom

**Prijava za Javni poziv za dodjelu lokacije za postavljanje štanda u Ulici Vilsonovo šetalište
NE OTVARATI – OTVARA KOMISIJA!**

**Javno otvaranje koverti će se održati 11.06.2026.godine u 11:00 sati, Velika sala Općinskog
vijeća Novo Sarajevo, I sprat**

VII - PROCEDURA I REZULTATI JAVNOG POZIVA

Općinska načelnica imenuje Komisiju od 5 (pet) članova za postupanje po aplikacijama dostavljenim na Javni poziv za dodjelu lokacije za postavljanje štandova u ulici Vilsonovo šetalište (u daljem tekstu: Komisija).

Komisija će sačiniti Poslovnik o svom radu.

Zadatak Komisije je da izvrši pregled svih aplikacija sa dostavljenom dokumentacijom.

Aplikacije uz koje nije dostavljena obavezna dokumentacija, Komisija odbacuje kao da nisu ni podnesene i o istom obavještava aplikanta pismenim putem.

Po izvršenom pregledu svih dostavljenih aplikacija Komisija u roku od 7 (sedam) dana dostavlja Općinskoj načelnici rang listu aplikanata koji ispunjavaju uvjete iz tačke III ovog Javnog poziva.

Općinska načelnica će na prijedlog Komisije donijeti Zaključak o rezultatima Javnog poziva koji se stavlja na oglasnu ploču Općine u trajanju od 8 (osam) dana.

Učesnici Javnog poziva imaju pravo prigovora na Zaključak Općinske načelnice Drugostepenoj stručnoj komisiji Općinskog vijeća Novo Sarajevo, u roku od 15 dana od dana oglašavanja Zaključka.

VIII OBAVJEŠTAVANJE O REZULTATIMA JAVNOG POZIVA

Nakon donošenja rješenja Drugostepene stručne komisiji Općinskog vijeća Novo Sarajevo, konačan Zaključak o provedenom Javnom pozivu se objavljuje na web stranici i na oglasnoj ploči Općine. Nadležna općinska služba u skladu sa Zaključkom iz prethodnog stava, aplikantu koji je stekao pravo za dodjelu lokacije za postavljanje štanda donosi rješenje kojim se definišu način i uslovi korištenja javnih površina.

Period privremenog korištenja štanda je jedna godina s mogućnošću produženja do 3 godine, pod uslovom da su redovno, u skladu sa rješenjem izvršene sve finansijske i druge obaveze za prethodni period.

Naknada za korištenje javne površine će se obračunavati za cjelokupan period korištenja sa mogućnošću plaćanja utvrđene naknade unaprijed u cjelosti, za 6 mjeseci ili mjesečno što će se regulisati posebnim Rješenjem.

IX- OSTALA PITANJA

Ako učesnik kome je dodijeljena lokacija ne postavi štand u funkciju u roku od 30 dana, ili ne izvrši plaćanje naknada u utvrđenom roku i na način kako je utvrđeno rješenjem ili se na drugi način ne pridržava odredbi rješenja o korištenju javne površine, izdato rješenje će se poništiti a lokacija dodijeliti drugom učesniku na pozivu prema redu prvenstva.

Licima koja nisu ostvarila pravo na postavljanje štanda uplaćeni iznos će biti vraćen po okončanju postupka dodjele javne površine odnosno po pravomoćnosti rješenja o dodjeli lokacije za postavljanje štanda.

Sve dodatne informacije vezane za Javni poziv mogu se dobiti svakim radnim danom od 8,00-14,00 sati, na telefon broj: 033 492-256 ili putem e-mail adrese komunalno@novosarajevo.ba.

nijaz.hromo@novosarajevo.ba ili direktno u prostorijama Općine, kancelarija broj 118.

OPĆINSKA NAČELNICA

Prof. dr. Benjamina Karić

Broj: 10-11-3-4799/2026

Sarajevo, 15.05.2026. godine